



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2330. Kurfürst Albrecht fordert den Markgrafen Johann auf, dem König von
Dänemark auf seiner Durchreise durch die Mark Ehre zu erzeigen, am 16.
Juli 1474.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

2329. Kurfürst Friedrich und Herzog Heinrich von Schlesien vereinigen die Äbte von Lubes und Neuzelle über Grenzstreitigkeiten, am 22. Januar 1444.

Wir friderich, von gots gnaden Marggraue zu Brannborg, des Heil. R. R. Erczkamerer — Bekennen — das wir vff hute — zwuschen dem Hochgebornen fürsten hern Heinrichen, herczogen zu Slesien vnd zu Croffen vnd dem Abt von Lubisch vff eynen teyle vnd dem — heren Niclawfen Abt zur Nuwenzelle vff dem andern teyle — beteidingt haben von der grenitz wegen czwuschen Schidlow vnd Schonenfelt, darumb sie etlich czyt czwitrechtig gewesen sein, Also das wir czwen von vnsern Reten vnd der gnant Herzoge Heurich ouch czwen von seinen Reten darzu bestellen vnd schicken sullen, die denn des nehsten montages nach dem Sontage Trinitatis schirstkunfftig czitlichen zu halbe wege mittage bey dem born vor Schonenfelt zusampne komen sullen, die grenitze zu befehen, die sachen zu handeln — vnd gar in fruntschafft zu erscheiden. — Doch vmb die mytunge, die denn die gebwr von Schonenfeldt pflegen zu geben, die mytunge soll bleiben, als das der versiegelte brief daruber gegeben jnheltt vnd awflwiset vnd daruff soll aller unwill, der sich von beiderfyt daruon erhaben, verlouffen vnd gemacht hatt, wie es alles zukommen vnd sunderlichen vmb die pfandunge, die der Abt von der Czelle in den Geholzen an den Swynen vnd andern pfandungen getan hatt — gesunet vnd entricht sein. — Geben zu Frankenforde nach g. g. vierzehnhundert Jar vnd darnach Im vyr vnd virczigsten Jare, am Mitewochen Sendt vincencien tage.

Nach dem Original im Kloster Neuzelle, vom Geh. Registrator Herrn Fößberg mitgetheilt.

2330. Kurfürst Albrecht fordert den Markgrafen Johann auf, dem König von Dänemark auf seiner Durchreise durch die Mark Ehre zu erzeigen, am 16. Juli 1474.

Väterlich Liebe vnd Trewe allzit zuuorn, Hochgeborner Fürst, lieber Sone, Wir lassen Euch wissen, das unfer Herr und Swager, der Konig von Tennemark, bei XIV tagen hir bey uns gewesen ist. Dem haben wirs wol erbotten. Nun wirdet er sich uf itzunt den negsten Mittwoch zu erheben uff Montag sant Jacobs tag gen Erfurth komen, darnach stracks anheim ziehen, und seinen Wege durch die Alten Marck nehmen. Ist unfer befelhe, das Ir im, so er in Euer Landt komet, Ere beweiset, dann wir fast ein früntlichen Swager an Im haben, der uns zugesagt hat sein Leyb und Gut widermenniglich zu uns zu setzen. Dar an beschicht unfer Wille und gutes gefallen. Datum Onolzspach, am Samstag nach Apostolor. im LXXIII. Jar.

Albrecht.